

# COUGH-EN RX LINCTUS

Dextromethorphan hydrobromide/Phenylephrine hydrochloride/Tripolidine hydrochloride (15mg/5mg/1.25mg per 5ml)

## Apakah yang ada pada risalah ini

1. Apakah kegunaan Cough-en Rx Linctus
2. Bagaimana Cough-en Rx Linctus berfungsi
3. Sebelum menggunakan Cough-en Rx Linctus
4. Cara menggunakan Cough-en Rx Linctus
5. Semasa menggunakan Cough-en Rx Linctus
6. Kesan-kesan sampingan
7. Cara penyimpanan dan pelupusan Cough-en Rx Linctus
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

## Apakah kegunaan Cough-en Rx Linctus

Cough-en Rx Linctus digunakan untuk:

- melegakan batuk tanpa kahak yang berkaitan dengan selsema, jangkitan saluran pernafasan atas, alergi rinitis (radang pada membran mukus di dalam hidung) bermusim, vasomotor rinitis dan demam alergi.
- membantu melegakan saluran pernafasan dengan mengeringkan hidung berair .

## Bagaimana Cough-en Rx Linctus berfungsi

Dextromethorphan Hydrobromide membantu menghentikan batuk dengan bertindak secara pusat untuk meningkatkan ambang refleks batuk.

Phenylephrine Hydrochloride adalah dekongestan yang berfungsi untuk melegakan hidung tersumbat dengan mengurangkan bengkak pada salur darah di saluran pernafasan, untuk memudahkan bernafas.

Tripolidine Hydrochloride ialah antihistamina yang berfungsi dengan menghalang bahan semula jadi (histamina) yang dihasilkan dalam badan semasa tindak balas alergi.

## Sebelum menggunakan Cough-en Rx Linctus

### Bila tidak boleh menggunakan

Jangan gunakan Cough-en Rx Linctus jika anda alah (hipersensitif) terhadap bahan-bahan yang terkandung dalam ubat ini.

Tidak boleh digunakan pada kanak-kanak umur 2 tahun ke bawah. Harus digunakan dengan berhati-hati dan seperti yang dinasihatkan oleh doktor/ahli farmasi untuk kanak-kanak umur 2 hingga 6 tahun.

## Sebelum mula menggunakan

Sila beritahu doktor atau ahli farmasi sebelum menggunakan Cough-en Rx Linctus jika anda:

- hamil atau merancang untuk hamil.
- sedang menyusukan anak atau merancang untuk menyusukan.
- mengalami batuk yang berterusan akibat merokok, penyakit paru-paru (emfisema) atau lelah.
- batuk dengan kahak berlebihan.
- Mempunyai masalah hati, paru-paru, jantung atau metabolik seperti lelah, tekanan darah tinggi, kandungan gula darah yang tinggi, kelenjar tiroid terlampau aktif.
- sedang mengambil ubat untuk kemurungan seperti MAOIs (*monoamine oxidase inhibitors*) atau dalam tempoh 2 minggu selepas tamat rawatan.
- mempunyai sawan.
- mengalami pembesaran prostat dan/atau gangguan pundi kencing.
- mempunyai glaukoma (tekanan di dalam mata meningkat).
- mempunyai masalah gastrousus seperti *stenosing* ulser peptik atau sekatan dibahagian akhir perut (*pyloroduodenal obstruction*).

## Jika mengambil ubat-ubat lain

Sila beritahu doktor atau ahli farmasi jika anda sedang atau kebelakangan ini mengambil ubat lain, termasuk sebarang ubat tanpa preskripsi.

Cough-en Rx Linctus boleh bertindak balas dengan:

- betahistine, sesetengah ubat hipnotik atau *anxiolytic*, metoclopramide dan ubat antiparkinson
- agen simpatomimetik seperti dekongestan, *tricyclic antidepressant* dan *appetite suppressant*.
- monoamine oxidase inhibitors (MAOIs) untuk depresi.
- bretylium, bethanidine, guanethidine, debrisoquine, methyldopa dan  $\alpha$  dan  $\beta$  *adrenergic blocking agents*.

## Cara menggunakan Cough-en Rx Linctus

### Berapa banyak harus digunakan

- *Dewasa dan kanak-kanak berusia 12 tahun ke atas:* 10ml tiga kali sehari.
- *Kanak-kanak 6 hingga 12 tahun:* 5ml tiga kali sehari.
- *Kanak-kanak 2 hingga 5 tahun:*

2.5ml tiga kali sehari.

## Bila perlu digunakan

Ikut arahan doktor atau ahli farmasi anda.

## Berapa lama perlu digunakan

Ambil ubat mengikut preskripsi doktor atau ahli farmasi. Rujuk kepada doktor atau ahli farmasi sebelum mengambil ubat ini untuk tempoh masa yang lebih panjang. Jika simptom-simptom tidak bertambah baik dalam masa seminggu atau berserta demam panas, hubungi doktor anda sebelum meneruskan penggunaan ubat ini.

## Jika terlupa menggunakannya

Ambil dos yang terlepas sebaik sahaja anda teringat. Sekiranya sudah hampir masa untuk dos seterusnya, abaikan dos terlepas dan tunggu untuk mengambil dos seterusnya pada masa biasa. Jangan ambil dos berganda untuk menggantikan dos yang tertinggal.

## Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Simptom-simptom terlebih dos termasuk sukar bernafas, paranoia psikosis, khayal, halusinasi dan pergerakan otot tanpa kawal dan tidak teratur, tekanan darah tinggi dan degupan jantung perlahan.

## Semasa menggunakan Cough-en Rx Linctus

### Perkara yang perlu dilakukan

- Maklumkan kepada semua doktor, doktor gigi dan ahli farmasi yang merawat anda bahawa anda sedang menggunakan Cough-en Rx Linctus.
- Beritahu doktor anda dengan segera jika anda menjadi hamil semasa menggunakan ubat ini.
- Sentiasa cuci tangan sebelum mengambil ubat.
- Amalkan pengambilan ubat pada waktu yang sama setiap hari.

### Perkara yang tidak boleh dilakukan

- Jangan mula mengambil sebarang ubat baru tanpa berbincang dengan doktor atau ahli farmasi anda.
- Jangan berkongsi Cough-en Rx Linctus dengan sesiapa, walaupun mereka

# COUGH-EN RX LINCTUS

Dextromethorphan hydrobromide/Phenylephrine hydrochloride/Tripolidine hydrochloride (15mg/5mg/1.25mg per 5ml)

---

mempunyai simptom atau penyakit yang sama.

- Jangan ambil ubat ini tanpa preskripsi doktor atau ahli farmasi.

## Perkara yang perlu diberi perhatian

Ubat ini boleh menyebabkan mengantuk. Jika rasa mengantuk, jangan memandu atau mengendalikan mesin. Elak minuman beralkohol semasa mengambil ubat ini.

## **Kesan-kesan sampingan**

- Rasa mengantuk, pening.
- Sembelit.
- Mulut kering.
- Gangguan gastrousus.
- Sukar tidur, keresahan.
- Gangguan mental.
- Denyutan jantung yang tidak normal.
- Kesusakan dada.
- Ruam.
- Masalah darah.
- Rembesan menjadi pekat.

Dapatkan rawatan perubatan dengan segera jika anda mengalami sebarang kesan sampingan atau masalah alahan.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-85535550, atau lawan web [portal.bpfk.gov.my](http://portal.bpfk.gov.my) (*Consumers → Reporting*)

## **Cara penyimpanan dan pelupusan Cough-en Rx Linctus**

### Penyimpanan

Simpan di tempat dingin di bawah 30°C. Jauhi dari kanak-kanak. Jangan ambil ubat ini selepas tarikh luput.

### Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

## **Maklumat lanjut**

### Rupa dan warna produk

Sirap jernih berwarna merah dengan perisa blackcurrant.

## Bahan-bahan kandungan

Bahan-bahan aktif:

Dextromethorphan Hydrobromide, Phenylephrine Hydrochloride, Tripolidine Hydrochloride.

Bahan-bahan tidak aktif:

Syrup, Sorbitol Solution 70%, Glycerin, Saccharin Sodium, Sodium Benzoate, Menthol, Chloroform Spirit, Carmoisine Colour Powder, Fruity Flavour, Purified Water.

## Nombor MAL

MAL07061426A

## **Pengilang dan Pemegang Pendaftaran Produk**

Xepa-Soul Pattinson (Malaysia) Sdn Bhd  
1-5 Cheng Industrial Estate,  
75250 Melaka, Malaysia.

## **Tarikh kemaskini RiMUP**

21 Januari 2016

## **Nombor siri**

BPFK(R4/1)260815/00281